



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

SS. Romanus & Barula MM. 18. Novembris.

urn:nbn:de:hbz:466:1-44055

18.Nov.

VITÆ SANGTORVM.

561

suo depinxit. Sub noctem VIRGINI sacrâ, ædem hujus frequentari ab Angelis cum multo lumine vidi, & portâ sponte suâ referatâ ipse etiam admissus est. Tam charus cælo, castigatus scilicet ab hoc non semel est. Etenim somnum dormientis in natalitiâ Christi nocte Angelus alapâ discussit. Tam non possunt ferre Superi Episcopum dormientem. Jam simul ac lapsus est in nescio quam gloriolæ vanæ cogitationem, cquus etiam ipse lapsus sub GREGORIO reprehendit GREGORIVM. Itaque in posterum miracula, quæ plurima patrabat, non sibi sed Divorum lipsanis, quæ ferebat, adscripsit. Congressus Romæ cum Gregorio Pontif. cum hic viri staturam (multum animo minor erat) tacitè miraretur, non nescius arcanarum cogitationum noster, Dominus, dixit, fecit nos; non ipsi nos. Itaque maximi deinceps GREGORIVM ipse etiam Magnus Gregorius fecit. Ex Surio.

Tres virtutes sunt, quæ pueris adolescentibus magis congruunt, Verecundia, Faciturnitas & Obedientia. Non est autem dubium, si has studuerint habere, quin possint, Christo duce, ad culmen perfectionemq; virtutum ascendere. S.Bern.l.de Ord.vitæ.

S.S. ROMANUS & BARULA MM.

18.Novembris.

PArabat anno Servatoris CCCI. Asclepiades Procos. exscindere templum Christianorum Antiochiae. Huic nimirum ROMANVS sese opposuit, & dictis suis animos sociis unicus addidit. Nunc demum pugnandum pro Aris cogitarent. Hostem utique esse Asclepiadem patria, qui huic DVM ereptum iret. Pulchrum fore, ut aras defendent, cadere ad aras litaturos. In quamcumque demum partem alea caderet

Aa 5

pugna,

pugnae, victores Christianos futuros. Captus igitur velut seditus ROMANVS, & ex equuleo suspensus, cùm plumbatis cæderetur, ferreum se præbuit. Quin causæ optimæ fidens, ausus est ad teneræ ætatis testimonium provocare. Audiret vel ex hâc judex, Deumq[ue] unum an dæmonas tot colere præstaret? Et ecce evocatus BARVLA infans penè non minus fortiter quām facundè pro DEO & ROMANO dixit, dictaque sua flagris & ipse concisus sanguine firinavit. Sic enim verò peroranti filiolo acclamavit è turbâ mater fortissima, quin inter tormenta sitibundum objurgavit etiam, quod aquam rogaret, quando Superi sanguinem ipsius fitirent. Inde ad supplicii locum & dux & bajula filii caput abscissum & sanguinem, dulci urnâ, sinu exceptit. At ROMANVM ad ignes damnum patrocinante cælo imber absolvit. Quin linguâ orbatus innocentiam suam tamen prius loqui non desit, quām strangulatis fauibus vox intercepta est. Sed & hujus Echo cum plausu cælo excepta. Ex Prud. & Chrysost.

Quid illi grave videri poterit, qui semper menti tractat quām non sint condignæ passiones hujus temporis ad futuram gloriam? quid concupiscere poterit in saeculo nequam, cuius oculus semper videt bona Domini in terra viventium? S.Bern.serm.4.de Ascens.

S. ODO ABBAS. 18.Novembris.

Officio suo fungi patres à patre ODONIS discant. Unicum & vix natum filiolum è cunis inter brachia in cælum sustulit, divoque Martino & sacrâ devotus. Dixisse assensum infantem, ita non tam lac maternum, quām erga Martinum amorem suxit, qui scilicet cum puero deinde crevit,